

懷清堂集

T 5466 / 3248

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
SEP 15 1933

5531/3248





合歡

合歡夕常合葉葉日成行金堂七十二莫作野鴛鴦

丁香

晴南難子香似非此丁香君看細黃花豈有白與紫

柳

寄生良已孤成陰或可合春來一條條垂在西廊下

西府海棠

是草花裝色美谷粉際紅文君有故里廉蘇海棠風

杏

長空埋藏或天門宰宰恍如鳴鳩村邊幾枝白



合歡

合歡夕常合葉葉自成行金堂七十二莫作野鴛鴦

哈佛大學漢和  
圖書館珍藏印

丁香

嶺南雞舌香似非此丁子君看細黃花豈有白與紫

柳

寄生良已孤成陰或可舍春來一條條垂在西廊下

西府海棠

蔓草羅袞色芙蓉臉際紅文君有故里簾幕海棠風

杏

披草徑纖纖映籬門窄窄恍如鳴鳩時村邊幾枝白



梅

物以希爲貴益梅發寒沍何必江南村橫斜千萬樹

茉莉

雙姝出南海玉質臨風竝都人簪奈花不識那悉茗

紫薇

移來紫薇花本出紫薇省誰與青瑣郎綵筆照花影

牡丹

種自曹州寄名仍洛下來東風相入欺得芍藥出豐臺

蘭

猗猗庭中蘭國香比國士不得貢玉堂言念在君子

玉蘭

辛夷開未開迎春好時節邈爾姑射人肌膚若冰雪

榴

榴花拆紅襟花落房多子時聞墮堦聲淋浪秋雨裏

山桃

山桃花盛時香霧晚冪冪客散月朧明三更遣吹笛

菊花

不資服餌用何取品目殊但念東籬花九日不可無

洋菊

八月有黃花坡公謂可怪詎知海外種觸暑園翁賣



荷

紅芳三十里采采意未厭今來花甚稀柄柄青荷葉

蓼

汀洲采白蘋道遠不得致對此紅一叢江湖渺幽思

剪秋羅

佳人理刀尺中夜起太息紅剪羅衣裳年年作秋色

鳳仙

娟好女兒花秋風乍入簾最宜紅透甲先上玉纖纖

秋海棠

花妥嬌無那莖承翠交委墜露小闌邊西風危石底

百合

根作白菡萏葉作青琅玕斑斑赤豹文倒垂花際看

郁李

常晚尚餘花條繁多倚砌悵然獨懷人戚戚遠兄弟

夾竹桃

似桃還倚翠似竹更依紅海外仙山物溫台落手中

夜落金錢

金錢夜夜落不抵一錢看借問張公子何如逐彈丸

萱

金質挺炎辰薰風日披拂祛痲苟末由萱蘇爾何物



藤

得時各葱蒨託根迺參差穿籬復絡石不得挂高枝

葵

耀日如摘錦傾陽每上堦時來和露折佛日有清齋

秋葵

獨搖金盞側淡著鞠衣黃洗盡風流態宮人入道裝

芭蕉

簷端心不展窗下陰常寂莫待夜霜侵慣經秋雨滴

杜若

花疎風下上枝弱雨離披杜若芳洲畔名曾入楚辭

牽牛

碧花罨籬落秀色紛偃蹇斂時日欲烘開處露猶泣

玉簪

脩藏白玉簪美人理雲髮散為六出花遙映三秋月

雞冠

軒然岸雞憤聳聳長身直笑爾鶴頭丹焉能備五色

萍

盆池萍忽合綠水自生肥時復驚魚鬪由來有絮飛

薜荔

移根甫徑尺枝蔓忽縷縷不記上牆生莓苔足秋雨



懷清堂集  
卷十九  
五  
月季

四季有藜花風前月下俱寫生南劍老添入錦堂圖  
虞美人

今作原上花昔爲垓下土似聞楚帳歌猶作虞兮舞  
刺藜

粲粲黃荼蘼隨風每低昂似念攀折苦棘刺以自防  
扶桑

憶昔日南花猩血染如一愛此扶桑紅一紅經百日  
夜來香

白日車馬喧朱門酒肉臭所以暗香來多在夜涼後

燈來紅

掩冉曲籬旁深紅間淺黃殷勤語來雁慎莫帶微霜

忍冬

藤纏跨巖谷不與衆草伍保爾歲寒心忍茲霜雪苦

南天燭

八尺紅珊瑚如意一聲碎化作勻圓珠風雪小山背

蠟梅

香浮金蓓蕾色謝玉肌膚破蠟迎春日江梅先得無

左闕門外雨中

清池一道漾漪漣左闕門東太廟壩碧葉始生初夏節



紅衣今落晚秋天采蓮歌斷佳人唱踏藕船餘稚子牽  
行到迴塘聞雨滴西風衰髮正愁邊

中秋 是日聞 貴人之喪

金波澄處玉輪圓只少些些脆管弦涼冷影初沈皓魄

鏗鉤樂已罷鈞天陰晴 帝里同鄉里哀樂衰年異壯

年佳節尚憑公等在醉吟直到燭花偏 時九沙南指雨  
翰編西亭水部

時公雪子兩  
文學在座

送劉咸珍歸里

子病憐新愈吾衰送此行九年為客意一月到家程旅

雁秋來影寒潮夜落聲知添他日淚泉路渭陽情

薄聿脩學士使還言山左李中丞酒間忽聞濼口

商人將釀金上壽即於席上作教禁之方對客

揮毫時歌者音律稍乖必為駁正周公瑾之流

其才不可及也作一篇為寄

笙歌幾部沸華堂條教親裁燭兩行心念民疲如杜母

耳知曲誤是周郎千夫帳下麾幢繞七字毫端翰墨香

中丞號  
能詩  
文武全  
才者再 聞道翁歸備文武再承天語在明光 上嘗嘉  
歎中丞為

文武全  
才者再

重九前一日文湘侍講艾堂宮贊蒼孚農部西亭

水部思敏侍御聿脩大令元溪員外峙公雪子



文學枉過小飲

足齏妨閒步朋來慰索居庖厨未嫌薄文酒自相於雪  
片分魚膾金膏溢蟹胥敢云同俊味聊當摘畦蔬  
細細雲初破悠悠月已中嘉辰明日是欸語故情同可  
有登高約應憐避俗翁杜詩陶潛避俗翁呼童種黃菊肯遣沒  
蒿蓬

客散後又成

客去仍無睡書拋復寡歡一燈聞雨滴半臂怯風寒青  
女行除架黃花漸入闌衰遲逢令節感歎此身單

重九

聞道傳杯不放杯重陽令節菊花開霜清佛閣人頻到  
水淨龍潭歲必來十年前每重九率于慈仁寺毘盧閣及黑龍潭登高老大登臨  
少筋力賓游觴詠嬾追陪絳囊佩得還隨俗好爲衰年  
更墜災

丁巳春至旃檀寺忽忽四十二年迨今已亥冬偶  
重過此感思舊事如在夢中

鈿車香騎寺門前白晳當時好少年誰省王城春似海  
一枝壓得玉花偏

送翁聿脩大令南歸兼寄尊甫蘿軒同年

酒香臘甕歲方徂去若登仙子甚都鳧舄春來仍入洛



尊羹秋後每思吳四山迴合雲藏寺一葦空濛雪滿湖  
寄語蘿軒老居士不妨潑墨畫成圖

元日次盧舜徒光祿除夕見貽原韻

大官初識膳膏香三署兼司陞楯郎 帝念清卿官特

拜人知勁節薦交章冠軍舊德曾燔契光祿新銜合築

堂光祿堂見歐公記政事趙張誰可繼更誇文采似班揚

蒸壺約素自家風居損持盈道更冲心薄浮雲時態異  
義鍾老柏歲寒同韻無適俗思元亮力不因人笑子公  
正旦九衢車馬散冷烟濕雪寂寥中

燈夜與文湘西亭介夫峙公雪子小飲

餘寒猶自閉簾櫳手撥深爐熾炭紅門外襜褕三日雪  
竹邊掩冉一闌風歲時挑菜佳辰過燈火傳柑舊事空  
賸剪青蒿與黃韭天涯差喜故人同

曉起

夢回特地紙窗明三日風篩雪未晴賸有烏鳶蹲凍樹  
了無燈火鬧春城詩人灞岸朝酣酒猛士關門夜斫營  
我老但餘癡鈍坐玉山空照眼崢嶸

海棠六絕句

窺簾無那醉嬌何北地臙脂寶靨多猶自穠華帶鄉井  
浣花牋色錦江波



不須施粉更施朱  
宋玉東家態不如  
乞與春陰好將護  
長紅小白半開初

兩株紅豔十分勻  
先後開時各鬪新  
底事春風不相見  
邢夫人對尹夫人

天姿富貴許誰同  
粉態珠光一片融  
任遣詩人笑麤俗  
小桃點注出繁紅

今年花發去年枝  
光景流連又一時  
未必綵雲飛便去  
也應玉笛晚休吹

祝釐日日上經壇  
常恐花時倏已闌  
夜半明燈圍院落  
更留好客勸勤看

明日又作一篇

爛漫春城看似無  
碧雞坊裏敵千株  
憑誰貯汝歸金谷  
可用移家就石湖  
曉日烘開紅蓓蕾  
晚風褪出雪肌膚  
未教綺語刪除盡  
禪榻茶烟笑老夫

花下

晚將淨眼覷無方  
偶逐天花即道場  
判與色香新世界  
劃開鶯燕舊封疆  
濯枝雨喜連朝潤  
颺幕風驚昨夜狂  
石上落英紛不掃  
游蜂冶蝶漫奔忙

王帶河少司空餉餅四十枚作歌

蒼龍昏見時  
正陽涼風如秋  
騰隴黃千村  
碌碡鎌鋤忙



霏霏落磴天雨霜爛然瓊靡照宮籬佳人洗手朝入房  
雕盤細瀉銀餅湯女丁婦壬互劑量小團月出戶東廂  
春綿秋練方法良漬疑鶴髓貴莫償薄如蟬翼輕欲颺  
炊裂十字進高堂近賓密友懽未央老饕念我還分將  
磊落四十如截肪華山玉屑細有香梁甫銀泥白更光  
豈敢汙汝羅酒漿清風茗椀聊試嘗重樓十二弛戟防  
委輸華蓋掩太倉絳宮真人壽而康下有童子舞黃裳  
紫洲小姑莫漫狂白石漱琢無堅剛靈根顧視猶未亡  
溫淳此味詎敢忘誰其遺者瑯琊王飽聞設食齊殊芳  
鄒平況自有憲章平生說經笑公羊軟美便思老是鄉

口腹累公豈可常請從秘苑求其方

藤廳花時偶作

文書堆案眼從遮不記藤陰日又斜滿架丰茸綴纓絡  
兩株詰曲走龍蛇似聞西省新栽竹

劉貢父事

空憶東堂舊

種花

東坡詩玉堂陰合手栽花

六七年來幾閒日風爐雪乳一甌茶

題李曲江少司馬戎裝出塞圖

先生知國等知兵擐甲龍沙萬里行冠子翼真宰相器  
輦車驪駕歷諸營

庚癸從無一士呼平安火直接神都英姿颯爽如褒鄂  
曾在凌烟貌得無



懷濟堂集 卷十九 二  
庚子五月初三日復過法華庵仍用前韻

驚嗟歲月去如流三度風潭景物幽古佛寶坊臨水尾  
相公樂府換歌頭李文正公樂府最傳於世庵即文正別業地也百年劫火燒  
應盡十里肩輿倦且休點點綠錢南浦上雨來蕭颯便  
成秋

五月十四日夜露坐

高林晚露寂不喧短籬疎花幽自翻何當羽衣入舞砌  
豈有啄木來敲門穿池華月光下上拔地蒼石陰朝昏  
松風茗鼎橫一榻道人於此真忘言

雨亭制府郵示元夕駐師金沙口上詩作一篇奉

寄

先生廊廟英器資備文武西南天萬里前席授玉斧百  
濮心綏懷諸蠻手摩撫陽關絕徼外一夕響鉦鼓犯我  
屬國疆 至尊赫斯怒親分賢王鉞特開元帥府日入  
崑崙西拓此河湟土沿邊列戰格滇也實門戶拜表即  
出師師行若時雨軍無呼庚癸士每共甘苦刁斗厖不  
驚幕井民安堵慷慨取金印從容揮白羽儒者有此人  
如方叔召虎兵家貴間道我聞諸前古繼蜀自陰平叩  
關由子午騎或一敵萬枝料三當五鈎撞百道攻鼓角  
九地取書生好說劍文吏恥負弩雖借帷幄籌恐無尺



懷清堂集 卷十九  
寸補先生真國士才與管蕭伍會須斬樓蘭未用招贊  
普金沙暮江口燈火繁星聚葡萄塞上杯勅勒軍中舞  
是時上元夜喜氣融諸部煌煌南極光煜燦眼親覩雪  
山界天末列障翠可數新詩競傳寫清風頌吉甫豈惟  
壯士歌行見樂人譜

庚子立秋

炎毒何當休纖絺汗猶浹西風颯然至涼意欲動篋滋  
味覺鮮新衣裳初熨貼是時秋之孟四見莫生莢五行  
迭休王勢若驟凌躡蓐收令始肅龍火氣已懾伊余抱  
煩痾一體互莊蝶憂虞理應遣暇豫生可攝憶昔槐弄

黃鄉選甫懷牒蹉跎四十載衰白遂滿鑷懷新情依依  
感舊歲劫劫偶然設茶瓜思與賓侶接高林變蟬嘒長  
廊響行屨雅言賦新詩逸興求醉帖昨夕哉生明一鈞  
哇壁頰未嫌歡意減已覺秋懷愜中庭落梧桐深巷賣  
楸葉鄉心逐兒女那得渡江楫

雨中喜宸再自潞河歸見訪

颯颯雨侵軒沈沈樹隱門棗垂烟外重荷集晚來喧潤  
始霑衣桁涼宜近酒尊欣逢故人至一夕共清言

送徐亮直編脩奉使冊封琉球

鼉鼉梁已駕東瀕寶冊光華寵命新受吏遠來滄海使



懷堂集 卷十九 三  
宣風暫借玉堂人神魚跋浪迎旌纛仙草環洲集鳳麟  
一品錦衣歸獻壽此行最喜是娛親

憫忠寺後院

霽景高林外幽房曲逕過雙扉開晚照百尺見懸蘿葉  
葉含風細枝枝得雨多翠帷紛在眼彷彿到山阿

十月四日樸村晚過菊下小飲

又逢雲物晚秋澄去歲黃花今歲仍小墜疎檣香冉冉  
高枝密葉影層層那能留眼看朝暮空自縈懷到寢興  
向夕一弓明月下故人偶至爲燒燈

十月五日由德勝門往湯山接駕

雲樹迎仙蹕人家近斗魁晚烟橫疊翠落日漲飛埃  
逐羣公出行穿萬馬回廿年思扈從無復舊鄒枚

清河野望

夢回兀兀復騰騰洗眼青山看幾層指點興亡飛鳥外  
西風衰草十三陵

仙女堡行

威弧幾時落旄頭松州雪嶺猶防秋仙女堡當轉粟道  
仰窺千仞俯九幽嵒嶽一綫險莫儔雨淋石滑行人愁  
馬蹄忽蹶徐縣尹下與萬里長江流妻兒淚雁猿聲落  
苦怨天高鬼神惡漢家嫖姚方少年蹋鞠軍中正爲樂



湯山接駕

羣玉山頭雪未殘  
丹砂泉上不知寒  
載鳶已見前旌過  
捕虎遙從後乘看  
星亘五營天列仗  
龍騰八尺帝回鞍  
睿容有穆臣寮喜  
伏謁鑾旂第一竿

十月十日自湯山迎駕歸夜宿清河

間雲一片本來輕  
野鶴孤飛不算程  
原上歸人斜日影  
枕中鳴轂曉鐘聲  
濁醪屢酌煩村叟  
嚴鼓稀聞近禁城  
三十四年流電速  
屬車塵後老書生

清河橋上

偃月形斯壯  
垂虹地本靈  
禹功通澮洫  
漢苑接郊坰  
風

漾寒波  
白山銜落日  
青酒壚  
頻歲到  
衰髮感星星

送成綱齋出使安南

使星先入日南天  
朶殿新看詔旨傳  
九譯蓋幢來白雉  
百重樓櫓望朱鳶  
林風箐雨山稠疊  
峒獠溪蠻路接連  
萬里何人諭威德  
此行端藉玉堂仙

題李文正慈恩游詩卷後即次原韻

有序

子同年白君彥京以茶陵李文正公慈恩游詩  
卷自陽城寓書寄余余視詩末題署正德九年  
甲戌作為公致政之二年而詩中流連景光沈  
吟老大詞旨悽婉文衡山為之圖題曰西涯圖



喬莊簡跋云寺之後曰西涯考公懷麓堂集有  
西涯雜咏十二首第四篇即慈恩寺其他如楊  
柳灣鐘鼓樓四詩中亦互見則慈恩寺在西涯  
東西涯之名所由來久公因以自號今亦不復  
能識其處公詩首篇云幾人城市此曾遊又云  
城中尚有山林在集中重經西涯有云城中風  
景夢中路又云禁城陰裏御河西慈恩寺偶成  
云城中第一佳山水則西涯之在城中無疑日  
下舊聞載淶水亭雜識云西涯有李長沙別業  
考其地在今德勝門西子近年往來湯泉數得

經過見風漪彌望直接德勝橋而東水物可愛  
有法華庵在其上意其爲當時之西涯所云積  
水潭海子亦即此地但相去二百餘年不特琳  
宮佛屋灰劫無存而圖中所有喬木蒼巖長橋  
斷岸亦不復能彷彿矣莊簡又云西涯公嶽降  
地公詩有淚痕應共水俱流句又云撫今念舊  
爲之愴然集中如禪後述哀云應謝西涯舊時  
柳泣風愁雨共依依又重經西涯云淚滿密縫  
衣上線又云愛日慚非稚子歡又云慟哭兒童  
釣游地白頭重到爲何人則莊簡所言信有徵



矣至淶水亭雜識所云公有別業在北安門外  
 或是生時所居非別業也集中有李白洲侍郎  
 督復西涯舊業詩云三間矮屋一重樓則非莊  
 墅可比其他若重經西涯云綠野無堂正憶裴  
 又候馬北安門外游慈恩寺詩云十年一到竟  
 河能又重經西涯云重來又隔幾寒暄又宿海  
 子西涯舊隣云東陵舊路元相接若果別業尚  
 存何至隔幾寒暄經十年不一到即令止宿何  
 用舊隣推此而言不但無別業並生時故居亦  
 久廢矣錢蒙叟載公遺事罷相後設客至不能

具魚菜風操如此豈能更為平泉木石計集所  
 云督復舊業者始終未之復也流覽感歎次韻  
 一章

池邊老鳳肯回頭

游在正德甲戌公已致政

樹裏驚鳥感昔游劉謝

並時同國論李何別派異詩流蒼茫野水圖猶在散落

遺文集未收

慈恩游詩五篇懷麓堂集不載

今日更憑誰指似三間矮

屋一重樓

詩成意猶未盡又作四絕句

兒時游釣頻經處幾度垂楊信馬行玉果可曾分四座  
 金環似省識前生



懷清堂集 卷一  
裴家宅裏秋天鶴房相池頭雪色鷺誰似幽居無一物  
門前贏得好烟波

成弘館閣數茶陵一代詩家無幾人可惜當時集賢院  
不曾寫得樂天真

弘長風流在鼎台一時門館盡英才諸生尚有東南秀  
未到平津閣裏來

文徵仲圖  
七言者生

庚子十月二十八日盧光祿舜徒六十壽小詩一

章以叙朋友契合之情非世俗頌禱語也

論交不在早但取意氣真君看青松枝何必桃李晨金  
石性不易芝蘭香宜紉我晚得益友頭上白髮新邂逅

杯酒間情等骨肉親澄明抱霽月豁達排秋旻承家與  
報國恃此清白身子仕州郡日名已動縉紳酌泉新安  
江大好山水隣父老愛劉寵里閭思寇恂司刑來三吳  
泣玉明且仁滇海脂膏地俸不贍親賓歸來太常齋甑  
中欲生塵忌者不謂爾讒口信信信帝庭十二閑駮駱  
驪駟駟傾家營一豆不救武子貧 至尊洵亶聰拔擢  
驚無因名卿重清節豈曰算錢緡念子耿介姿在物無  
緇磷飄瓦擊不恨虛舟觸不嗔疾惡雖如風無心恩怨  
泯緇衣好賢什茲意常周諄三哺必佳士一飯無俗人  
退食插架書浩然渺涯津鏗鏘發宮徵筆落疑有神居



貞心匪石守道節貫筠六十今始滿堂上壽酒陳富貴  
取大槩功名畫麒麟二塗宜何從一笑無邊春

立春日忍病昇至書齋

縛箇籃輿茗椀隨南齋又到覓春時柳條未弄悠揚態  
桃蕊初含蓓蕾姿雪陣江天茅店酒梅花人日草堂詩  
病中只有思鄉夢官職聲名兩不知

院中齋宿

統如街鼓夜將闌樺燭烟銷夢向殘衰病久知曹事廢  
優容真荷 國恩寬太常曾視芬芳具

子辛卯為太常卿  
壬辰改翰林學士

法駕頻叨侍從官

聖主為民祈穀

漢書五時無牢  
孰具芬芳不備

意屬天燿火在郊壇

懷清堂集卷十九

男學基學顯孫衛源孝策謹校



懷清堂集卷二十

送朱可亭總憲賑饑山西

仁和 湯右曾 西厓

憲府官彌重河東歲大荒地當千里赤麥失二年黃風  
俗多商估人家少蓋藏恐憑和糴議未足慰流亡

送盧舜徒光祿賑饑陝西

使者如甘雨隨車入雍州遺黎方望活 天子待分憂

漕去聲

粟前籌急屯田後效收期君布嘉惠直到海西頭

酬蒼孚農部元夜見詒原韻

匆匆節物上元過肯念漳濱久抱疴著句暗中知沈謝



苦心灰裏撥陰何九衢燈火繁華盛七秩年光感慨多  
予開七秩今已六年矣猶憶當時舊風月得鄰堂上夜徵歌

早春試筆

紅未抽芽綠已含風光流轉我潛諳老無興味心常嬾  
地想優閒夢尚貪一片晴雲依闕下幾陂春水隔江南  
歸田每說人皆笑竊祿年多合自慚

萬年寶曆詩 有序

欽惟 皇帝陛下膺駿命恢丕基粵自即阼迄  
於今茲聰明睿智神聖廣淵之德孚於上下覃  
於八表凡食毛含齒萌生蠕動之物莫不煦嫗

至化漸濡大澤欣欣各遂其私繼昭夏軌三五  
皇哉負乎莫得而京矣歲在辛丑 皇帝御極  
之六十年甲子一週顛穹示慶奧祉沓至垂萬  
世之基卜無疆之曆將復肇於今日循環之周  
而復始橐籥之鼓而日出景運昌數實符其期  
於時諸王大臣庶司百職事暨轂下耆老太學  
生徒僉謂歷代未有伏 闕叩顙請行慶賀典  
禮羣情喁喁呼籲懇迫 皇帝曰吁報本饗親  
之弗先其曷可已迺 命禮官諏辰庀物肆類  
上帝薦馨 列祖親謁 園陵肅將祀事登



劍盟洗罔或弗虔仁孝誠篤肝蠻布濩大禮斯  
畢 玉鑾容與歸自郊圻維億兆人咸歡呼踴  
躍奔走摩霄漏泉氤氳鬱之氣乃遂畢達既  
大和會萬萬一心復有山陬海隅黃髮鮐背之  
老跋履遐遠越數千里雲集京師與羣公卿士  
百姓伏謁 端闈奉 萬歲觴請上 鴻號  
皇帝撝謙至德有而不居親降德音飭政經卹  
人瘼跼聆悚惕莫不欽歎時則瑞日騰曜卿雲  
流藹士女童叟駕肩挂轡喧闐抃舞於衢巷之  
內羽旂金節旛花贊唄鐘鼓絲竹鏗鏘之音延

屬乎郊門之外太平之象既洽仁壽之俗彌劭  
非甚 盛德曷克臻此乎 臣 攷稽簡冊帝王之  
興多推本符命於是鳳皇龍馬朱文綠字流星  
刻玉之異往往具載於篇其中哲后誼辟功德  
及人民欲得神望塞報以嘉應享國長久顧自  
漢唐以迄元明世系皆可考越數千百年如  
皇帝至聖上德履飛龍在天之位備康寧壽考  
之福綿太極上元之曆古無有二靈貺殊造慶  
成錫羨延頸企踵者舌敝於謳吟懷鉛握槧者  
詞窮於比擬 臣 竊推迹詩書所紀如成周極盛



懷清堂集 卷三  
之時周公召公畢公君陳之儔協心同道底於  
至治所以願望其君者曰欲至於萬年可謂至  
矣而必陳述於天之基命定命二雅所賡善頌  
善禱天保之什首焉其詞非出於一人故曰何  
福不除又曰罄無不宜又曰維日不足辭之重  
言之復至於山阜岡陵月恒日升南山之壽松  
柏之茂而必冠之曰天保定爾蓋言此皆天之  
厚有德而致諸福也 皇帝受祿於 天嚴恭  
寅畏無一時一事不奉若 天道照臨如日月  
奮迅如雷霆濡潤如雨露孚信如四時 清明

在躬與 天同體 天乃眷之顧之佑之命之  
又反復申重之畀以殊祥錫以純嘏仁風扇協  
氣游甘露降醴泉涌雨暘時若豐年穰穰景應  
響答未見侔比 皇帝建中和之極啓昇平之  
運盛德大業富有日新猶且兢兢業業夙  
夜宥密罔不祇肅敬之至也又臨朝蒞政接下  
誠民惻怛勤懇咸本誠意夫敬禮之興也誠聖  
人之本也宋呂祖謙謂惟敬故壽主靜則博厚  
悠久自強則堅固精明敬之方壽之本也中庸  
言至誠無息至配天地極於無疆漢董仲舒亦



言天瑞應誠而至理皆自然可信 皇帝誠敬  
作所篤祐純佑職此之由自今以往 天休滋  
至億載萬年永永無極雖復握六觚備五數迎  
日布策推諸無窮皆未足方此 遐福洪算矣  
臣持橐禁廷竊以歌詠 神聖功德為職雖弁  
鄙弗獲自己謹効管蠡闕測敬呈 萬年寶曆  
詩十章章十二句其詞曰  
皇帝至德包乾毓坤法宮之中安安存存函我萬國如  
歲之春昭事 上帝祇戒明禋禎符乃來曰歸於仁於  
萬斯年以撫兆人

皇帝大孝立愛親始率 祖攸行陟降庭止 兩宮寢  
膳必躬問視更歷歲年追慕不已天至之性逮於麟趾  
於萬斯年永錫繁祉

皇帝儉勤萬幾在宥土事不文木事不鏤法天地節為  
爾民富未明求衣視百司奏大官尚食或稽晝漏於萬  
斯年功崇德懋

皇帝知人峻德克明咨岳詢牧俾佐太平下及百吏胥  
簡於廷追之琢之出玉之英薪之禎之得國之楨於萬  
斯年羣材蒸蒸

皇帝愛民迺煦迺育天地中間液洽滲漉賜萬萬租復



出廩粟不竭而獲與聚所欲仁增益高澤久逾渥於萬  
斯年惟帝之祝

皇帝好生上與 天通仁愛矜恕靡物不容一夫非辜  
爰厯 帝衷敬爾由獄無俾滋豐蒸為甘雨散為和風  
於萬斯年慶刑之中

皇帝功烈首尊可象羨溢弗治民其為魚淮泗湯湯既  
播既疏億萬之口有那其居灌浸通利陂澤江湖於萬  
斯年豐我黍稌

皇帝性學該貫三極窮天之紀周地之脉合樂和聲造  
化胸臆乙夜披覽六經百籍煥乎文章垂億代則於萬

斯年焜煌 寶曆

皇帝神武電掣霆摧誅三叛人稟 帝指麾削平沙漠  
申命六師苞有遺孽萌芽於西其渠乃殲其庭乃犁於  
萬斯年殊方來威

皇帝景福濡被九有大哉乾元為物之首環四瀛外獻  
見奔走百昌熙熙以蕃以阜民之捧戴 元后父母於  
萬斯年與天齊壽

白石橋

來往朝煙與夕霏寒衣脫盡賸春衣波清曲渚魚游樂  
草綠平疇雉乳肥屢浣衰顏塵冉冉尚牽芳思柳依依



廿年白石橋邊路華表難尋老令威

山行微雨旋止

邨落多勤雨風雷肯破山沮洳泉更細焦灼石俱頑芳  
草一時歇行雲何處還霏微飄數點賸取客衣斑

望雨

瀟灑過長日平安得小輿巖巒欣應接雲雨惜空虛扶  
老因加飯全生且撥書此情同逆旅泱泱想鳴渠

距熱河三十里山頂有方石高二丈許矗立中斷  
為二四旁有刻劃痕洵異觀也

有石能自立無人為告勞鬼工曾密運仙掌得雙高俊

拔千夫特欽釜萬劫牢鍾靈定何自一舍即神臯

圖南編修送餅餌

蘭若期三宿

寓小菴中

牢丸餉一椀出籠霜比潔入手月爭

圓方法傳中禁分張壓食單老夫貪軟美不用勸加餐

宿螺山

薄雲露灑不成泥暝色山光望已迷東崦人家最惆悵  
今朝雨在白檀西

道中遣懷

仲夏實炎月行人尚披裘怪此氣候殊或云雲石稠山  
中洵多寒問昔有此不陰盛致水潦曠乾豈其由顧視



懷清堂集 卷二  
畦隴間詎知麥當秋一雨得破塊投種冀晚收 至尊  
方焦勞羣公急良籌奔走禱祠廟香幣沈靈湫百請未  
一應冥默神應羞商羊會當舞旱魃行且休比聞秦晉  
饑赤地良可憂斗米貴於珠萬錢價不酬 詔發洛倉  
穀三門首汎舟更頒內府金起此鵠與鳩比戶先流亡  
轉徙之他州他州不見容扶挈死道周符節繫誰持坐  
視民咿嘷肉食古所鄙但知為身謀王師今方西遠過  
青海頭壯士務殺敵暑月猶兜鍪熱風來如燒瘴氣日  
夜浮轉粟青天上牽挽踣萬牛矧久缺甘澤何以富來  
蕤安得膚寸雲崇朝浹九邱杜注九州也滂沱未可望浩蕩

生邊愁

南天門

丹梯盡處敞雲樓形勝關門最上頭一握天低隨鳥度  
兩邊山合夾川流琳宮燈月神光滿墨海蛟龍筆勢道  
上右在書額此日憑高展清眺恍疑汗漫與同游

出城小睡

平肩輿更穩於舩合眼華胥到最先螳穴蟲巢等相殺  
不如蝴蝶去翩翩

三家店

麥隴焦枯農廢耕已荒春作待秋成雲霾東北將蒸雨



風轉西南又放晴樹下暗泉喧晚汲道傍孤店餉塵羹  
邊州糠粃無來處一飯真應判死生秦晉皆苦饑聞肅州以西數十金易斛米亦不可得

潮河川

言喚白河船復問潮河渡出山各分流入海會同注

自牛欄山寺燒發

晚到羊車喚小乘早隨鳧鳥歷千塍是夕順義令亦禱雨宿寺中飛

塵便旋多風候初日蒼涼豈雨徵四野幾時操未出萬  
山何處望雲興神仙詎合分今古喫火翻瓢見未曾

重入南天門

傳烽不記蠶房谷乘障空聞司馬臺二十四關休護塞  
通天只用一門開

古北口

王公有設險此地洵雄哉山似中原盡出蘇子由詩關臨絕

塞開五營軍令肅一疊角聲哀遺堞無憂掃時清罷戍  
臺

由長山峪北行三十里偶成

十年四度往來頻世事翻雲覆雨新梧老待棲孤鳳下  
茅收欲賦衆狙嗔久知朱紱應拋我每對青山覺泥人  
自是幼輿饒骨相非關中散出風塵



白石匣入山

昨夕雷雨過縱橫舒百卉朝來畦隴間父老喜相慰東  
峰已曙色西嶺尚雲氣得晴景亦佳望雨情未既良苗  
欣黍稷惡草壯蓬蔚萬物共生成耿耿知自貴人間偏  
側路豈得長無謂我起催僕夫及此炎毒未清風方徐  
來夏日詎可畏前麥嶽岑險後有豺狼沸且酌山澗流  
稍知谷飲味

偶讀少陵望嶽詩

朱崖碧海見秋毫月窟崑崙想像勞東望泰山西望華  
當時何惜一登高

王師入藏凱歌十二首

有序

臣聞布昭聖武斯王者之有征肅將天威惟仁  
人爲無敵若夫戶未登於版籍地不隸於職方  
自非廟略之遐宣詎易膚功之克奏欽惟我  
皇上綏懷萬邦照臨八表體春生秋肅之義  
丕著聲靈備文經武緯之模間行討伐彼澤  
旺阿拉布坦者罪人遺孽小醜稽誅當噶爾丹  
甫經削平之時維諸大臣即以剪除爲請我  
皇上帝地含弘之德雨露長養之仁予以生全  
俾之寧息乃梟獍之性飽即辜恩虺蜚之心生



懷清堂集 卷二  
而肆毒先之哈密倣擾繼則西藏虔劉敢殘掠  
之恣行實神人所共憤六師其整九伐將申而  
廷議不無異同謂絕域實當險遠但九泥以封  
函谷何事長征第尺檄以閉玉門恐難深入  
皇上憫無辜之蒼赤旣胥虐以胥戕決必勝之  
機宜由知己而知彼兇渠元惡法在不原除暴  
安民事非得已且沿邊各部護塞諸番儻踰歲  
時寢被煽誘苟非及今殄滅何以永靖邊陲於  
是 運獨斷之明 炳先幾之哲 親授諸將  
之方略咸奉成算以指麾復 命賢王總司戎

律桓桓之士如虎而如貔矯矯之臣一心而一  
德九秋氣霽瞻太白之方高五緯芒寒指欃槍  
之競落金鉦直進鐵馬長驅奮迅雷霆馳驟風  
雨分三道以襲擊左右不支督諸軍以攻圍飛  
走無所遂冰摧而霧廓爭解甲以投戈受降旣  
多獲級無算器仗山積馬牛谷量而西路統制  
之兵建大將旗鼓而出軍分兩翼預防伏莽之  
姦計定七擒誓絕傳烽之警月壘環而頭懸面  
縛雲羅合而鳥散魚驚奏三捷於軍中布大喜  
於天下靈旗所指聲騰葱嶺之西武節遙臨威



憺濛池而外迺拉里折衝之將兼滇蜀倚角之  
師策遂決於搗虛時方掩其不備銜枚夜渡卷  
甲晨趨不頓一兵已收全藏準噶兒之狼貪豕  
突國典宜申唐古特之慕義歸仁民勞可念前  
旌甫入法炬重新貝葉千花沐 王師之時雨  
蓮臺九品頌中國之 聖人此蓋曠代之所弗  
賓前人之所未至皆由我 皇上排羣議斷  
宸衷定破竹之勢於禁中收聚米之形於掌上  
故能戰無不克謀必有成等六合於庭衢視萬  
里猶咫尺晷刻靡爽若寒暑之應期變化無方

誠鬼神所莫測城鄰碎葉必殪都支路出崑陵  
還禽賀魯車書混合一澄瀚海之波氛浸肅清  
重勒高昌之石 臣職司侍從代際賡歌聞大捷  
之軍書祇深忭蹈獻無疆之壽筭幸在 闕庭  
謹倣古者饒吹遺意爲凱歌十二章恭呈 聖  
覽雖慙下里無文聊志普天同慶云爾

恭行天罰遠徂征絕域雲霓望救情 聖主萬方同一  
體用兵正是要銷兵

列缺騰光耀太微 睿謨玉帳授兵機  
馮牙勃律天西路鷲鳥轅門不敢飛



雲臺列仗儼星羅洗甲條支海上波決勝九天分玉斧  
受期諸將縱金戈

賢王秉鉞建殊勲喜氣朝來壓陣雲幕府共傳都統制  
凱歌爭唱上將軍

疑從枕席過 王師夜半長河飛渡時九地忽聞鳴鼓  
角不遺一矢定烏斯

來迎簞食與壺漿歌嘑聲中出寶坊稽首 中原無量  
佛千花藏裏萬爐香

殊方膜拜慶 王春爭看東來日出人弱水長流三萬  
里也應貫斗上天津

羽林精銳領材官烏壘城邊上將壇未用尺書招贊普  
直須長劍斬樓蘭

毘沙熱海路連延莫道陽關已近天新置宜禾都尉府  
北胥韃外盡屯田

西遐草木震霆雷萬古何人到此來自是 九重親決  
策天關闢處地垠開

遙從葱雪望河源首着葡萄近塞垣伐石天山紀 功  
德崑崙便是國西門

龍蛇繞出陣堂堂掃穴犁庭撻伐張從此共球集王會  
太平天子萬年觴



懷清堂集 卷二  
三  
閏五月十日大雨後作

小睡西堂喚不應  
清風急雨掃炎蒸  
暫休格鬪階前蟻  
且免驅除案上蠅  
燕子暄涼時漸改  
雞人昏晝候難憑  
只餘病骨衰羸外  
優穩閑官亦自矜

題陳斐公清江盪槳圖

想見靈波白鳥雙  
波圖便似到家江  
參差紅樹青山外  
一葉漁舸七里瀧

隱居學道此何人  
清淨登仙位業親  
只傍水精宮畔住  
不曾一點浣紅塵

勝味屠門了不知  
綠葵紫蓼足山資  
盎然與物同生意  
懶向江邊理釣絲

蘆花淺水纜頻牽  
小小容渠兩板船  
占得四時風景好  
一錢不用買江天

翠袖華鞋衆樂停  
看君水戲出迴汀  
鱖鮓躍後鮪鯨引  
雲霧青天晝杳冥

菰蒲聲裏小舟通  
宿火魚梁蟹舍東  
江上秋來聽夜雨  
雅宜舩背庫安蓬

放櫂空明縱所如  
休論陸處與舟居  
往來西塞山前路  
千點桃花五色魚

鼉作鯨吞修改觀  
中流呼嘯舞濤瀾  
舟人莫要勤看客



懷清堂集 卷二  
此老胸中溟漲寬

次韻雪子月下見懷之作

蟋蟀聲裏故山違  
蕩蕩空中明月輝  
入夜清光看更迫  
似君好客到應稀  
黃金印大從教取  
白玉卮溫肯浪揮  
臺閣鸚鵡驚滿天  
路病餘老鶴尚孤飛

風露蓬山永夕居  
水天涼影靜禽魚  
料量藥物衰逾甚  
商較人材壯不如  
積雨歇時移月畢  
霽河斜處映星虛  
每思伴直呼君去  
吹火青藜夜校書

林木幽森列稍攢  
吟情遙上玉盤盤  
弄雛新比元和柳  
畫馬肥嗤弟子韓  
未識孟鐙聊止酒  
苦耽書卷豈堪官

清商一部酬風月  
莫聽哀絲慘不歡

自贊門無知己求  
明珠忽枉暗中投  
郊居製賦要元禮  
雪夜迴船念子猷  
橘課千頭須檢校  
茶香八餅會勾留  
晚來事少關心處  
身世飄然已共浮

得家兄孫敏書

自嗟家世本無年  
九十兄今在眼前  
料檢蠶漁猶俗累  
掃除荆棘或仙緣  
饑寒幸未同榮啓  
官職虛教望阿連

樂天詩自愧阿連官職慢只教兄作使君兄

何日邨南共煙舍  
此生容易說

歸田

南船寄至盆桂二叢  
招蔗山太僕南屏侍御南指



舜揚翰編西亭繕部峙公文學雪子孝廉小飲  
有作

兩叢容易入書堂風露初寒合蔽藏花葉紛敷來海曲  
根株攘剔自吳鄉分張與作中秋景擁護多留數日香  
傾倒更呼嘉客共撥醅下箸酒新嘗

丙寅秋予客游江陰時主人則有邑令陸雲士賓  
客則有曹武歌鄰湘兄弟酒場歌地登臨游讌  
之樂無日無之席間歌者時郎藝冠流輩每一  
發聲座客嗟歎不覺其耳之傾側也明年丁卯  
春予北游復取道江上仍為裙屐之會時亦在

焉曲終酒罷月落潮平作五絕句贈時解纜而  
去自此絕不相聞今年夏六月卧疴杜門時忽  
來京師以原詩裝池卷軸俾獲重觀則忽忽三  
十五六年事矣偶然落筆了不省憶予既老病  
萬念零落時亦紅顏皓齒非復疇昔雲士鄰湘  
又久經下世追念舊游恍如夢寐感歎不已又  
作一篇云時辛丑中秋後十日

纏頭屢費曹顏遠顧曲頻煩陸浚儀地下久經理玉樹  
尊前何處認瓊枝樓臺鶯蝶春暄早歌舞江山月墮遲  
白髮蕭郎憔悴甚夢游仙是少年時



病中即事時辛丑十二月六日

負暄南牖小匡牀升斗呼兒糴太倉京尹豈能令粟賤

唐李峴事今年都下米貴石至江南未可謂錢荒司馬

銀四兩五十年來所未有也議社倉法云江淮之南民間乏錢謂之錢荒今五城溫公

御史糶倉米必責錢錢價驟貴銀一兩止得錢八百無絃陶令琴三弄食粥顏公帖數行歲尾都人尤望雪狹

鄉情更急寬鄉

懷清堂集卷二十

男學基學顯孫衛源孝策謹校

吾師仁和先生以詩名海內者數十年使黔一集固已  
家有其書珍如拱璧矣然先生意恒不自滿生平所作  
詩不下萬餘首其存者僅什之一猶藏諸篋衍未嘗出  
以問世乙丑春公子孔茹文孫融書乃謀付梓會黃崑  
圃潘晴巖兩先生同好相助閱再寒暑而後竣凡古今  
體詩二十卷昔查他山先生曾爲之序惜遺失不可復  
得溱不知詩而親承教澤十有餘載蓋先生之詩筆健  
而思沉材富而律細上已入少陵之室下可奪眉山之  
席爲當世學詩者宗匠固無容以一詞贊聊誌斯集之  
緣起云爾丙寅冬受業吳趨繆曰溱謹識











